



## SAOPŠTENJE ZA JAVNOST – PROJEKAT

Sarajevo, 28.11.2013

### Publikacija PRAVA LGBT OSOBA U BiH: POLITIČKE PARTIJE

Fondacija Heinrich Böll – Ured za BiH, zajedno s partnerskim organizacijama, Fondacijom CURE i Sarajevskim otvorenim centrom implementira projekt „Coming out! Zagovaranje i zaštita prava LGBT osoba“ koji finansira Evropska unija. U sklopu projekta u periodu od aprila do augusta 2013. godine sprovedeno je kvalitativno istraživanje u kontekstu bh. političkih partija s ciljem utvrđivanja položaja LGBT osoba, kao i sticanja dubljeg uvida u stavove političara/ki o LGBT osobama.

Svi dobijeni rezultati istraživanja predstavljeni su kroz publikaciju [Prava LGBT osoba u BiH: Političke partije](#). Publikacija prezentira status LGBT osoba i odnos društva prema LGBT osobama iz političke perspektive, odnos političkih partija i uzroke otpora prema LGBT osobama, analizu dokumenata bh. političkih partija o statusu LGBT osoba, kao i dobijene rezultate na osnovu razgovora s funkcionerima/kama, članovima/icama bh. političkih partija, kao i LGBT osobama koji/e su članovi/ice neke političke partije. U publikaciji su navedena ograničenja istraživanja, kao i preporuke za otklanjanje utvrđenih nedostataka i problema.

Istraživanje dokumenta bh. političkih partija je pokazalo da se ispitivane političke partije većinom zalažu za zaštitu temeljnih ljudskih prava i sloboda, podvodeći prava LGBT osobe pod univerzalna prava i slobode, čime se potiskuju njihovi problemi i podstiče njihova nevidljivost. Iz razgovora sa sudionicima/ama uočeno je da se kao najčešći uzroci homofobije navode mentalitet građana/ki, neznanje, nepismenost i komunistička ideologija. Istraživač/ica su zaljučili da istraživane političke partije ne smatraju da je adekvatno vrijeme za bavljenje problemima s kojim se suočavaju LGBT osobe, pored prioritetnijih egzistencijalnih problema koje treba rješavati. Političari\_ke, uglavnom, ne misle da su LGBT osobe (bitno) ugrožene te da je neophodno poboljšati i promovisati njihova prava.

Kao preporuke za prevazilaženje marginalizacije i diskriminacije LGBT osoba, u publikaciji [Prava LGBT osoba u BiH: Političke partije](#) navodi se izmjena i dopuna programa političkih partija uz obavezan unos ravnopravnog tretmana građana/ki na osnovu seksualne orijentacije i/ili rodnog identiteta, edukacija političkog kadra i zagovaranje za jače učešće političara/ki u procesu zalaganja za ravnopravan tretman LGBT osoba u javnom prostoru.

Svi/e zainteresirani/e PDF verziju publikacije možete preuzeti na stranicama Fondacije Heinrich Böll <http://www.ba.boell.org/web/index-746.html>, Sarajevskog otvorenog centra <http://soc.ba/prava-lgbt-osoba-u-bosni-i-hercegovini-politicke-partije/> i Fondacije CURE [http://www.fondacijacure.org/files/Politicke\\_partije%20za%20stampu.pdf](http://www.fondacijacure.org/files/Politicke_partije%20za%20stampu.pdf), a štampanu verziju možete preuzeti u prostorijama Sarajevskog otvorenog centra i Fondacije CURE (Čobanija br.12) ili Fondacije Heinrich Böll (Čekaluša 42).

EU finansira projekat *Coming out! Zagovaranje i zaštita prava LGBT osoba* u iznosu od 180.000 EUR iz sredstava EIDHR 2012.

HEINRICH  
BÖLL  
STIFTUNG  
BOSNA I  
HERCEGOVINA



Ovaj projekat provodi  
Fondacija Heinrich Böll,  
Ured za Bosnu i  
Hercegovinu

Čekaluša 42  
71 000 Sarajevo, BiH  
Tel: 033 260 450  
Fax: 033 260 460

Ovaj projekat finansira  
Evropska unija.

Delegacija Evropske unije u  
Bosni i Hercegovini  
Skenderija 3a  
71 000 Sarajevo, BiH  
Tel: 033 254 700  
Fax: 033 666 037

Evropska komisija je izvršno tijelo EU.

„Evropska unija se sastoji od 28 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.